

Gaur, ingurumenaren historiaz mintzatuko dira Naturaldian



Hedabideen eraginaz eta erantzukizunaz mintzatu ziren atzo iluntzean eskainitako saioan. E. EZEIZA

Ingurumena » Xabier Garmendia izango da hizlari gaur iluntzeko saioan; 20:00etan izango da, Kultur Etxean.

ERREDAKZIOA

Hemen da berriro ere Naturaldia, ingurumenaren ezagutza eta maitasunaren zabalkundea helburu duen egitasmoa. Artearen bitartez hasitako jardunaldi hauei, hitzaldiekin emango diete jarraipena datozen egunetan.

Atzo, Xabier Pastor, Oceana erakundeko Europako zuzendari exekutiboak, hedabideek, ingurumen gaiei zabalkundea emateko garaian duten eraginaz eta erantzukizunaz mintzatu zen. Berarekin batera, mahaiaren inguruan izan ziren Joaquin Nieto eta Gus-

» NATURALDIA 2009

Apirilak 21, gaur

■ **Ingurumenaren historia, zatitze baten historia. Ezkurtasun baiko-rra.** Xabier Garmendia, Eusko Jaurlaritzako Ingurumeneko sailburuorde ohia izango da hizlari. Aurkezle lanetan Javier Ansorena ariko da. Kultur Etxean izango da jardunaldia, 20:00etan.

Apirilak 22, bihar

■ **Femeninoaren udaberria.** Mabel Cañada Lakabeko komunitatearen sortzaileetari bat izango da bihar hizlaria. Itziar Eizagirrek aurkeztuko du saioa. Hau Kultur Etxean izango da, 20:00etan.

Apirilak 23, osteguna

■ **Proiektzioa: Munduaren azkeneko elkartzak.** Bi saio izango dira Leidor antzokian. Lehendabi-

zkoa, 10:15ean, eta bigarrena, 19:30ean. Arratsaldekoan, Jeronimo Lopez Geologia Zientzietako doktorea eta Josu Iztueta bidaiaria ere izango dira, solasalditxo bat egiteko.

Apirilak 24, ostirala

■ **Adimen ekologikoa.** Jose Antonio Marina irakasle eta filologoa izango da hizlari saio honetan. Aurkezle lanak, Jonan Fernandez Baketikeko zuzendariak egingo ditu. 20:00etan izango da jardunaldia, Kultur Etxean.

Apirilak 27, astelehena

■ **'Atanar Juat: La leyenda del hombre veloz'.** Mundu ezezagun batera eginiko bidaia da. Leidor zinemari izango da ikusgai 20:30ean.

tavo Jerez adituak. Azkenaldian, nabarmen aldatzen ari da ingurumeneko informazioaren komunikazioa. Gero eta zabalkunde eta tarte handiagoa ematen zaio, baina Xabier Pastorek zalantzan jarri zuen ea nahikoa zen edo ez.

Oraindik, ingurumeneko informazioak bigarren mailako izaten jarraitzen dute. Baina bere hitzetan, «ingurumeneko arazok behartuko gaituzte oraingo garapen sistema geldiaraztera eta politika sostengagarriagoak bilatzera».

Gaurkoan, atzera begira

Gaurkoan berriz, Xabier Garmendia izango da hizlari. Ingurumenaren historia, zatitze baten historia. Ezkurtasun baiko-rra izenburupean mintzatu da.

Ingurumena, natura bezala, kulturazko kontzeptua da. Gizakia- ren existentziaren produktu dira. Horrek ez du esan nahi giza espeziea gabe ez litzatekeela naturarik eta ekosistemarik izango.

Halakorik izango litzateke, bai. Izan ziren iraganean, eta izango dira etorkizunean, giza espeziea Lur planetan bizi nahiz ez bizi; baita Unibertsoetik betiko desagertzen bada ere. Hau besterik ez da, gizakiok gabe, gure galaxian eta ingurukoetan bizi adimentsurik izan gabe, natura eta ingurumena kontzeptuek ez luketela inolako zentzurik.

'Agua Tinta' erakusketa ere ikugai

Agua Tinta, urari buruzko umore grafikoko erakusketa ikusgai da datozen asteetan Aranburu Jauregian. Andres Rabago El Rotoda da bildumaren egilea. Aguatinta erakusketako irudiek zuzenean kolpatzen dituzte kontzientziak.

Umore adimentsuaren bitartez, topiko zabalduenetatik eta zuzentasun politikotik urrun, biñetek ikusleari agertzen diote zeinen ilogikoa den natura eraldatzeko erabiltzen den irizpidea.